

Proceso de distribución electoral en México

Ayájna México náimi'kari tyaiteri tyaguántigoubakare májtityataí majtá takimen máguatyóu. Amujtú kin ayáa itátamua'muate tikin náimi'karitú tya'xapintare amijme jetsé májtityatí ti guéikake'e séire'mén, antityáatikan Poder Ejecutivo, poder Legislativo ajtá Poder Judicial. Amijna Poder Legislativo oupú tyajáiki aumáj ya'xantán majtá axa'p+ntaren t+i guataséijres yú'uxari t+ a'tsaaguati're; amiimú diputados ajtá senadores náimi'kari tyaiteri gua'kimen maguatyóu óujna ja'gua ti yáa tyaja'tóumua'muate tikin Congreso de la Unión maj guéika nínia tsájta upuata'tán séikarimú mijtá antiguabígua.

Ayájna tyati ti'guatabítis iiyakúi México, gua'votos náimi'kari juxá'apú ti'baire. Ta'a ayáa tyojoukure'nen, matitá antiguabiiguajme diputados mitachúe guatéiteeres yáa pua'muaké xa'pintakan moucháatima'a. Ayájna jikú sai diputado yaapú pua'muákari kin maguátéjbee. Amiipú guatáumu'a tikin distritos electorales, tya'kane t+kei uxá'a yóuta'me'ni, kapú a+n jé'i t+púa juxá'a pua'muákari mouchájka tya+teri.

Constitución jetsé yaapú tya'namuajre t+k+n t+jna'a ti'be'e tachúe guatéiteeres guéika anx+jte jetse pua'muaké, sa+ké t+na'a putié'n antiguabiguas sa+ dipuatdo federal. Uk+menta, Constitucion aut+ sa+ tajtúguan teje'téjbee yaapú tya'xa t+k+n, jáp+n, a'chumáj puamúa séijren diputados anmáj antiguabiiguas aamú youxá'p+ntara a'chúmaj púan distritos electorales tícha+.

¿Ti'taní puguatáumu'a yée distrito electoral?

A+jna distrito electoral a+pú guatáumu'a a'chut+ j+m+ yóukan chúj magua'síja mua'jún tyá+teri t+jnain japúa México na'rí aaná'a aut+ tajtúguan teje'téjbee, t+'jikú guatá+rijtaren máj antiguabiiguan diputados máj yáa pua'muakari k+n maguatyáguiix+n chájta'kari. , ,

¿Ti'taní púen distribución electoral?

A+pú puen t+k+n antíumua'ree Instituto Nacional Electoral (INE), t+ axa'p+ntaren out+ j+m+ joast+ sa+ ayaa guatáumu'a yee distritos electorales t+j nain japúa na'rí anná'a aut+ tajtúguan teje'téjbee.

¿E'iní ti'bá+re?

Ta'a juxá'a guatéiteeren a+jna mesíja a'chumáj ouchát+men sa+ jetsé distrito electoral, mata'a náimi'kari a'namuajrá t+jna'a antayóugua chúj autyá ouchát+men, ajpú ayaa t+k+n sa+ ajtá sa+ m+ voto juxá'apú ti'ba+re.


¿E'iní t+i góuxe'be distribución electoral?

Am+jna t+ guateitéeren juxe'be einí a'chú matauchát+men tya+teri kapú a'nájt+na'a juxá'a. Séikarimú jájkuakan nó'eigua, séikarimú tyaku'isin majtá yaa pua'múa mayée

uchéjte, ayaaná'a jikú tyá'kane t+ sa+ distrito electoral eitsé na'rí k+jna'a ouná muachájka tyá+teri yaa puan nínia tsajta. A+jpú k+n góuxe'be t+ guatéseijri'guan a'najt+na'a distritos electorales jetsé máj uxá'a tityouchat+me'ni.

¿Ti'tajní jetsé mouka'nyáa guatéitéeres?

Ta'a jéin guaxa'p+ntari'guan distritos electorales a+jmú guatéijas máj juxá'a tityouchat+me'ni tyá+teri, t+ óujna téte'e seire'meni municipios t+ tóumua'muate, t+ sik++rari guaséiriguan na'rí muákuake uguátoututájmen, t+ juyéj kanyáat+me'ni, a+jna mesíja t+kúj guaj+ríjmen ajtá jáp+n májt+n ubéjli séira'a náayeri t+i jikú guatá+ríjtaren máj am++ májtá te'tyaba+ren t+ guatáuxe'ben.



¿A'nájní ajtá e'íní yé'i tiutéseijri'guas?

Ijii 2016 jetsé ajtá 2017 am+jna INE yaapú ti'muatsé t+ guateitéeren náin japúa ajtá amájna aumáj tajtúguaani a'seijre'e iyaa ja'gua Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, San Luis Potosí, Sonora, Tabasco ajtá Yucatán.

Aut+ tajtúguan teje'téjbee anpú gua'sa+ren tyá+teri INE goutaixaates eit+ ti'muatse t+ guateitéeren am++ ameséira máj náayeri jemí ti'múe, partidos políticos májk+n maguatyóu, máj tityatatí, diputados a'ma'kaste, ajta máj jéiná k+n antíumua'ree yaat+ ajtá náimi'i tyá+teri a'chumáj guatáiniiguas.

T+pua merí eijna muajk'a máj atéesijan t+ guateitéeren aumáj náayeri ouchat+men, am+jna INE goutá'igues a'chupuamúa maj guachát+men náayeri mata'a aaxán eijmáj ti'muatse t++ guatéseijres am+jna t+pua arí guatéiteeren aut+ sa+ distrito electoral jeiyén, ajtá jap+n aut+ a'seira'a ja'me máj tyaja'namuajá muájun.

¿A'tyanní meti'tabá+rigua?

Am++mú ti'xajtán máj partidos políticos k+n abóumua'ree, máj tityatí yat+ bejli na'a putfen, diputados locas ajtá, t+ chájta'najmen náayeri mataúchat+men ajtá tyá+teri cha'na májkei ti't+ k+n antíumua'ree ajtá ayaa tigua'kanistyá máj te'tyánamuaján.

¿A'najní ajtá einí yé'i tiutá'iguri'guas?

Kapú a+jná'a máj tiutaxjtas tyá+teri, ajtapú mua'reeriguan máj tityatati jemí náayeri majk+n antíumua'ree aut+ tajtúguan teje'téjbee. Amajmú ataxájtas eit+ ye'í tiutéiteeres t+ guateseiri'guas mata'a ouna téte'e sa+ké guataséijren náayeri mata'cháat+men distritos electorales tsajtá ajtá jap+n antíumua'reeriguas náimi'kai jemí mata'a aamua'ren aut+ guaja'k+pua máj youtaxán je'imáj ti'muatse a+jna k+n t+ axájtaka t+ ti'téjbee am+jna jetsé.

Yujetsemén maj tityataí náayeri jemí guaták++pe máj tiutayú'sen am+jna INE ti't+ máj guaxa'p+ntare ajuché aamú youtuasin yú'uxari aut+ Juntas locales ajtá distritales a'seire'men. T+pua merí atesiján eit+ yé'i tiutéseijre t+ guateitéere maj guagoigu'ri náayeri, am+jna INE náimi'karipú guatáixaates eit+ ja'rí tyojoukure'ne ajtá eit+ guateeseijre t+ guateitéere amájna bėjli ajpú ijtá a+jna k+n aamé t+ guateseijri'guan ba'kan japúa t+ puti+k+.

Ta'a guataxaap+ntaren máj náayeri jamuán tiutaxajtas am+jme INE máj timue, am++mú guatainíguas náayeris nyúukari t+k+n antíumua'ree (INALI), ajtá jap+n am+jna Comisión Nacional para el Desarrollo de los Pueblos Indígenas (CDI) t+ guataumúa.

¿Atyanní mentíumua'reeris t+pua merí abak++ne máj tyutá'igun?

T+jna'a ti'chájta'najmen náayeri tyatáuchat+men am+jme jetsé májtityataí.

**¡Antíumua'reera! T+pua náimi tyaaxán, eitsé'pú guataxá'p+ntaris México,
¡Ajtéjbetsi!**